

清夢外史精

卷一百七十三至卷一百七十四

弟
八
十
八
冊

清季外交史料

附索引及西巡大事記



中華民國二十一年一月出版

總發行 王希隱

北平迺茲府關東甸七號

版權所有 翻印必究

清季外交史料卷一百七十三

光緒二十九年閏五月至六月

目錄

呂盛伍三使致外部美約常關分口事聲明由華洋官員管理電聞

五月初二日

呂盛伍三使致外部美約裁釐俟加稅期定再降旨電

初八日

德使穆默致外部請咨直督將建造津鎮枝路敘入合同電

十三日

直督袁世凱致外部東省俟全交後自開口岸此時不能入約電

十四日

署川督錫良奏自設川漢鐵路公司以關利源而保主權摺

十七日

江督魏光燾鄂督端方致樞垣查禁上海愛國會並拿辦鄒容等電

十八日

江督魏光燾致樞垣報租界拿犯歷來最爲棘手電十九日

呂盛伍三使致外部美約礦章改爲及礦務內所應辦之事九字電

十九日

使韓許台身致外部俄注意鴨綠江英日懇韓在義州開埠電十九日

外部奏中英續訂通商行船條約請旨用寶互換摺二十一日

使法孫寶琦致外部美墨在法集議代我籌圖法未奉訓條故未置

可否電二十三日

呂盛伍三使致外部美約牌照專利事聲明俟中國設官定律後再

行保護電二十五日

直督袁世凱致外部意國又擬索佔象山港祈堅拒電六月初二日

呂海寰伍廷芳奏滬會審公廨情形黑闇請定章程片

初四日

吉林將軍長順等奏哈爾濱鐵路公司劃還地基請歸交涉局勘放

摺初十日

盛京將軍增祺等奏華洋合辦礦務遵照部議奏明辦理摺附章程條

規十九日

盛京將軍增祺等奏日俄覬覦鴨綠江一帶鑛產請飭議限制片十

九日

直督袁世凱致外部美約徵稅增關國幣平色各款均有添改乞卓

裁電二十日

使俄胡惟德致外部俄主宣諭六條殊不利中國電二十九日

庚子五月

與京報軍供期等奏列等合輯卷之五
使對俄十日 致外務部

吉林將軍具朋參奏合爾諾爾公同體嚴駐基爾爾交還同德
呂德慶田其茂奏請會審公報
直隸及甘肅巡撫請旨開父謝奏出泉山捐補聖聖軍六日

清季外交史料卷一百七十三

男希隱亮編

黃巖弢夫王彥威輯

孫孝章敬立校

呂盛伍三使致外部美約常關分口事聲明由華洋官

員管理電

口岸之常關分口一節美使云前已議明允設立保持之分關卽是爲防偷漏起見不過向日中國係此疆彼界商貨須逢關納稅過卡抽釐今加稅免釐照英約已訂明進出口稅尙不重徵則防偷漏者只能防出口之偷漏毋庸再防出省之偷漏若防偷漏出口則本約內第四款

第六節已聲明沿海沿途邊界不論何處亦可一併安設矣若防偷漏此省到彼省之口現在既不重徵再留此稅口徵抽何稅至五十里外歸監督經管一節照和議大綱常關已歸海關管理本未明定里數且海關本係監督之政稅務司是監督所用之人並非歸各國所轄本無區別稅司辦事認真涓滴歸公在朝廷實爲有益各國商人不以英約爲然者即因此等處不能將弊除盡是以懷疑觀望今若一掃而空敢保稅項必漸增加不知貴大臣何以意存含糊不肯除弊端云云其詞似未嘗無理前此與美使議立照會亦頗具苦心藉留日後自己歸併增減地步彼已應允似不可再爲強辭併此失之遂婉與商酌將照會改爲約中附件說之至再始許照辦擬曰中美兩國商約之解釋附件

現在修改中美兩國現在通商條約第四款內載明所留通商口岸之
常關應由中國政府設立保持分關以保中國各該處之稅餉至其與
總關相距合情理遠近之分口必須各該口岸之海關華洋官員以爲
徵收該口岸進出貿易貨稅所必需方可設立所有此項分口及總關
須照一千九百零一年和約所載辦法由海關管理云美使立意以海
關不論華洋官員均係中國屬用之人不必聲明海廷等終恐稅司權
重故強令聲明華洋官員則稅司不能擅專自在言外矣

閏五月初二日

呂盛伍三使致外部美約裁釐俟加稅期定再降旨電
部江電津宥支電敬悉梁使前有函來即經海廷面詰美使云梁使函
告美外部允准紐約亞細亞商會之稟一照英約辦理並准美外部文

稱允電駐滬專員商允等語是貴外部已允悉照英約辦理而貴大臣必請將內地常關裁撤始允加至十二五何以不遵訓條若非梁使之力美外部尙未肯如約加稅也美使聞之笑曰自經貴大臣迭論中國爲難情形屢勸敝政府照英約辦理嗣接訓條必須將內地常關撤去方能加至十二五且本大臣接訓條係在西歷三月初間彼時梁大臣尙未抵美都其爲非據商會之稟始允明矣彼旣如此云云亦未便再與爭論至第四款第十四節遵照部電與之熟商至再美使云明降諭旨裁釐自應俟加稅舉行定期後再降而加稅雖未便明言俟各國允許業經訂明此約互換後再行會定日期此中操縱可以在我即可視各國之情形以定期之遠近當又將此節細商酌改云此約一經批准

互換後及兩國會定此款舉行之日期即應明降諭旨用謄黃布告於衆通傳徧國言明將向有釐金及行貨稅捐全撤並將徵抽此項稅捐之關卡局所及徵抽內地洋貨各項稅捐之關卡局所盡行裁去除至徵抽進出口加稅之事亦須同時舉行所降上諭亦載明如有背此約文詞之意之員即責成該省大吏從嚴懲辦開去其缺等語似較前擬爲妥美使之意英約即將明降一節載入故美約亦有此條前此英約定議之明發與據馬凱請將加稅抵還各省所裁釐金之奏未合是以明請批旨並未將明發入約好在加稅須俟各國允許方能定期舉行屆時再請明發一次並非一國之約定議即請明降也乞察酌示覆爲

盼聞五月初八日

德使穆默致外部請咨直督將建造津鎮枝路敘入合

同電

本大臣去歲業與中國國家訂明津鎮幹路建造枝路二條一由德州至正定一由山東界至開封此事現據袁宮保仍稱尙未奉到貴部行文等情查訂立建造天津至揚子江鐵路詳細合同以袁宮保未接來文耽誤時日不少致我兩國均損利益本大臣懇請貴王大臣迅速行文直督將前開建造枝路二條陳明並示知此係業經訂明之事今卽將此路敘入詳細合同之內至合同內所用文詞應令兩國所派會商之員妥爲立訂聞五月十三日

直督袁世凱致外部東省侯全交後自開口岸此時不

能入約電

滬文電悉東三省開口岸一節彼雖堅請此時實未便允似可告以東三省尙未全交無權允許別國開口應俟全交由我自開此時斷不能入約等語以此明告美使亦可藉美廷以助我催交且尤可慮者一國索開數處他國援引勢難應付鄙意此款最宜慎重再蒸電所示美使不肯留沿江二字謂爲自相矛盾美使旣謂沿江各關卽是海關應卽商添沿江各海關五字以免日後爭論統希察奪

閏五月十四日 鄂而部

署川督錫良奏自設川漢鐵路公司以闢利源而保主

權摺

署四川總督錫良奏爲自設川漢鐵路公司以闢利源而保主權懇請

欽部立案事竊維各國互爭雄長鐵路所至之地卽勢力所及之地從未有讓人修築自失其利而自削其權者也中國處此時局欲變法自強政固多端而鐵路尤不可緩四川天府奧區物產殷富祇以艱於轉運百貨不能暢通外人久已垂涎羣思攬辦中人亦多假名集股而暗勾外人計取強求百端紛擾若不及早主張官設公司招集華股自保利權遲之日久勢不容己或息借洋款許人興修必至喧賓奪主退處無權尤恐各國因此互啟爭端轉多饒舌況川省西通衛藏南接滇黔高據長江上游儻路權屬之他人藩籬盡撤且將建瓴而下沿江數省頓失險要是川漢鐵路關繫川省猶小關繫全局實大爲今之計非速籌自辦不可奴才雖極迂拙而職司守土責無旁貸不敢不竭力綢繆

再四思維擬仿京張鐵路章程由川省設立川漢鐵路公司先儘華股招集試辦但不准影射朦混一面延訪工師會同委員確切查勘分別枝幹各路照章興修各國和睦友邦皆望中國自強斷無不相原諒其詳細辦法俟奴才到任後再行核定妥章具奏請旨遵行謹奏光緒二十九年閏五月十七日奉硃批外務部議奏

江督魏光燾鄂督端方致樞垣查禁上海愛國會並拿辦鄒容等電

竊光燾於五月二十五日電陳查禁上海愛國會演說一節經外務部恭呈御覽奉旨飭將此等敗類嚴密查拿隨時懲辦當即欽遵查禁拿辦旋因上海愛國會演說雖禁復有設在上海租界之蘇報館刊布謬

說而四川鄒容所作革命軍一書章炳麟爲之序尤肆無忌憚因飭一併查禁密拿派員前往會辦並於拿獲各犯後與端方恩壽往返電商疊飭滬道等設法迅速解寧審辦茲據滬道袁樹勛及委員俞明震先後電稟此等敗類均託身租界封報拿犯須由工部局簽字協同辦理該道等先因拿犯須會各國領事向工部局一再切商辯論始允簽票陸續拿獲鄒容章炳麟龍澤厚陳仲彝錢錫壽陳吉甫等六犯竟有律師到堂爲之伸辯而封報一節工部局仍復把持復經該道等停訊公堂抵制始於本月十三日將該館發封停報刻下犯未過堂已令律師担文之夥古柏繙繹將蘇報及革命軍諸謬說譯成英文登於字林西報俾衆咸知其謬復添延律師哈華託會商妥籌上堂辯駁辦法若輩

久視租界爲護符辦理甚形棘手操之過急竊恐牽動全局擬俟會訊後設法解寧審辦總當步步逼緊不敢稍涉輕縱等情前來除仍飭趕辦會訊設法解寧懲辦並將愛國社餘黨分別查辦外所有拿獲情形相應合詞陳明以紓宸廑祈代奏聞五月十八日

江督魏光燾致樞垣報租界拿犯歷來最爲棘手電

願咸電敬悉此案前已將查拿獲犯情形先後電陳在案此等敗類既經獲案自當迅速嚴懲惟事在租界歷來拿犯最爲棘手不獨前在界內拿辦黃遵憲可爲前鑒即前歲在租界外拿獲龔超尙被工部局聳恿領事索回縱釋蓋彼視界內爲其權力所範故遇事爭之甚力此次辦法即不能不以詳慎出之故於未獲前迭飭袁道俞道設法妥商使